



Pou Piblikasyon Imedya: 07/03/2021

GOUVÈNÈ ANDREW M. CUOMO

GOUVÈNÈ CUOMO ANONSE PLIS PASE 5.5 MILYON DÒZ VAKSEN COVID-19 TE ADMINISTRE JISKAPREZAN

Plis pase 18% Nouyòkè te resevwa omwen yon dòz vaksen; Plis pase 9% Nouyòkè vaksinen nèt

1,056,422 Dòz te administre semèn sa

175,321 Dòz te administre nan dènye 24 èdtan yo

Jiska 11AM jodi a, founisè New York yo te administre 86% nan premye dòz yo

Tablodbò Vaksen an pral ajou chak jou pou bay mizajou sou pwogam vaksinasyon eta a; ale sou [ny.gov/vaccinetracker](https://www.ny.gov/vaccinetracker)

Gouvènè Andrew M. Cuomo te anonse jodi a ke plis pase 5.5 milyon dòz vaksen COVID-19 te administre jiskaprezan. 1,056,422 dòz vaksen te administre semèn sa. Gouvènè a te anonse tou ke 175,321 dòz te administre nan dènye 24 èdtan yo. Plis pase 18 poustan Nouyòkè te resevwa omwen yon dòz vaksen e plis pase 9 poustan te vaksinen nèt. Jiska 11:00 AM jodi a, founisè New York yo te administre 86 poustan nan premye dòz yo ki te livre jiska prezan yo. Alokasyon semèn 12 gouvènè federal la kontinye ap fin livre bay founisè yo pou administre jodi a.

"Plizyè milyon Nouyòkè te reseva omwen yon dòz vaksen COVID-19 kounye a epi ak chif yo ki rete stab nou kapab lache vàn reouvèti a plis," **Gouvènè Cuomo te deklare.** "N ap ogmante efò nou pou asire egalite nan distribisyon vaksen an lè nou atenn kominate ki defavorize yo epi travay ak lidè lokal yo, epi gouvènman federal la ap ogmante apwovizyonman an nan fason regilye. Nou gen yon rezo distribisyon solid ki depase apwovizyonman ki disponib la epi n ap kontinye ouvri nouvo sit vaksinasyon nan patenarya ak gouvènman lokal ak federal yo, founisè swen sante ak òganizasyon kominotè yo. Pandan tan sa, Nouyòkè yo dwe kontinye vijilan epi entelijan paske pandemi sa pa ko fini."

Anviwon 10 milyon Nouyòkè elijib kounye a pou resevwa vaksen an. Gwo rezo distribisyon ak gran kantite popilasyon moun ki elijib New York yo lajman depase kantite founiti ki soti nan gouvènman federal la. Piske apwovizyonman an limite, nou ankouraje Nouyòkè yo pou yo rete pasyan e nou konseye yo pou yo pa prezante nan sit vaksinasyon yo san randevou.

Yo te mete zouti evalyasyon '[Am I Eligible](#)' (Èske Mwen Elijib) la ajou pou moun ki gen komòbidite ak pwoblèm ki akonpaye yo avèk novo randevou yo ki te pibliye sou yon baz kontinyèl pandan semèn k ap vini yo. Nouyòkè yo ka itilize sa ki annapre yo pou montre ke yo kalifye:

- Lèt doktè, oswa
- Enfòmasyon medikal ki pwouve komòbidite a, oswa
- Sètifikasyon ki siyen

Chif pwogram vaksinasyon ki anba yo se pou dòz ki distribye epi livre nan New York pou pwogram vaksinasyon an, epi yo pa genyen ladan yo sa ki rezève pou pwogram Etablisman Swen Alontèm gouvènman federal la. Men yon repatisyon done sou baz kantite ki repòte bay Eta New York a 11 AM jodi a. Apati semèn 9 la, alokasyon total yo genyen kèk dòz vaksen anplis ke nou te redistribye nan pwogram Etablisman Swen Alontèm federal la. Alokasyon total ki anba a genyen ladan l 100 poustan alokasyon semèn 12 la k ap fin distribye bay sit founisè New York yo jodi a. Alokasyon semèn 12 la enkli librezon pou sit vaksinasyon an mas Eta New York-FEMA yo ak Patenarya Famasi An Detay Federal la.

REPATISYON NAN TOUT ETA A

Premye Dòz yo Resevwa - 4,227,090

Premye Dòz yo Bay - 3,650,948

Total Dòz yo Resevwa - 6,541,110

Total Dòz yo Administre - 5,517,582

Rejyon	Kantite Dòz yo Resevwa Ototal (1ye ak 2yèm)	Kantite Dòz yo Administre Ototal (1ye ak 2yèm)	% Total Dòz yo Administre/Resevwa (1ye ak 2yèm)
Capital Region	421,050	341,638	81.10%
Central New York	348,450	300,201	86.20%
Finger Lakes	405,355	347,072	85.60%
Long Island	774,570	660,996	85.30%
Mid-Hudson	626,065	506,945	81.00%
Mohawk Valley	180,255	154,745	85.80%
New York City	2,917,965	2,457,368	84.20%
North Country	204,560	185,854	90.90%
Southern Tier	228,405	188,946	82.70%

Western New York	434,435	373,817	86.00%
Nan tout Eta a	6,541,110	5,517,582	84.40%

	1ye dòz yo livre konplètman bay Founisè New York yo	2yèm dòz yo livre konplètman bay Founisè New York	TOTAL	KIMILATIF
Semèn 1 Dòz k ap vini nan dat 12/14 - 12/20	163,650	0	163,650	163,650
Semèn 2 Dòz k ap vini nan dat 12/21 - 12/27	452,125	0	452,125	615,775
Semèn 3 Dòz k ap vini nan dat 12/28 - 01/03	227,395	0	227,395	843,170
Semèn 4 Dòz k ap vini nan dat 01/04 - 01/10	239,025	165,150	404,175	1,247,345
Semèn 5 Dòz k ap vini nan dat 01/11 - 01/17	221,315	119,925	341,240	1,588,585
Semèn 6 Dòz k ap vini nan dat 01/18 - 01/24	250,400	462,395	712,795	2,301,380
Semèn 7 Dòz k ap vini nan dat 01/25 - 01/31	260,150	239,525	499,675	2,801,055
Semèn 8 Dòz k ap vini nan dat 02/01 - 02/07	321,850	220,720	542,570	3,343,625

Semèn 9 Dòz k ap vini nan dat 02/8 - 02/14	320,000	244,500	564,500	3,908,125
Semèn 10 Dòz k ap vini nan dat 2/15 - 2/21	356,990	265,525	622,515	4,530,640
Semèn 11 Dòz k ap vini nan dat 2/22 - 2/28	393,530	305,780	699,310	5,229,950
Semèn 12 Dòz k ap vini nan dat 03/01 - 03/07*	1,020,660	290,500	1,311,160	6,541,110

*Chif sa yo reprezante 100 poustan nan alokasyon semèn 12 vaksen Pfizer, Moderna ak Johnson & Johnson yo. Yo prevwa pou alokasyon konplè semèn 12 la rive nan fen jounen jodi a.

Jiskaprezan, founisè New York yo te administre 86 poustan premye dòz ke yo te resevwa nan men gouvènman federal la men akòz repatisyon limite gouvènman federal la, randevou yo te ranpli byen vit. Pou ou detèmine si ou elijib ak pran yon randevou nan yon sit vaksinasyon an mas Eta a jere, ou ka vizite sitwèb '['Eske M Elíjib \(Am I Eligible\)](#)' a. Nouyòkè yo kapab rele depatman sante, famasi, doktè, oswa lopital lokal yo pou yo jwenn plis enfòmasyon ak pou yo pwograme randevou yo kote vaksen yo disponib.

[Tablodbò pou Swivi Vaksen Kont COVID-19](#) (COVID-19 Vaccine Tracker Dashboard) la disponib pou mete Nouyòkè yo ajou sou distribisyon vaksen COVID-19 la. Depatman Sante (Department of Health, DOH) Eta New York la egzije etablisman k ap bay vaksen yo pou yo rapòte done pou tout vaksen kont COVID-19 yo bay nan yon delè 24 èdtan; done sou kantite vaksen yo bay yo ap ajou chak jou sou tablodbò a pou reflete mezi ki pi ajou yo nan kad efò vaksinasyon Eta a.

Nouyòkè ki sispèk fwod nan pwosesis distribisyon vaksen an ka rele kounye a nan 833-VAX-SCAM (833-829-7226) oswa voye imèl bay Depatman Sante a nan STOPVAXFRAUD@health.ny.gov. Anplwaye liy ijans yo ap achemine plent yo bay ajans envestigasyon ki apwopriye yo pou asire ke Nouyòkè yo pwofite de travay Eta a pou vaksinen tout popilasyon ki kalifye a.

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)